

## 序

學佛不外二事——「上求下化」。上求解脫以成正覺，下依解脫而化眾生，由是權立種種善巧方便，務使自他皆能證入究竟。因此，凡學佛必不可捨本逐末，昧卻宗旨，而學密之人尤須深明此意。

近年港台密法盛弘，雖不乏具眼知識，奈何偽師之多，往往魚目混珠。彼輩言行每以神通感應作標榜，竟令初學趨之若鶩，迷途日遠，早已忘失解脫正道久矣。密法原極殊勝，若不善修學，惑於事相，則毫釐千里也。危機漸顯，有識大士莫不痛心疾首焉。

今談錫永上師婆心切切，雖身居海外，對諸偏差現象，亦常疾言厲色大力糾正，無視毀譽，但期正法得以匡扶，一脈賴以不絕。發而成文，見諸報刊，已不下數十萬言矣。

鑑於世人對密法之誤解頗多，遂集此篇以釋群疑。全書除附錄之外，餘皆於1990年《明報》公開發表。限於篇幅，只就事實直言，擇要而談，尙未遑論及甚深法義。全書言簡意賅，不乏精闢見解，可供初學密法者抉擇邪正，不致爲人所愚也。

閱讀本言之人，當再三體會談師悲心本懷，不落於是非紛爭白窠，自行思考書中提示之問題，辨明宗旨，共同力挽狂瀾於今時，如是則不負談師良苦之用心焉。

戊寅春普賢素聞於香江客次